

畿輔通志卷二百七十三

列傳八十一 列女二十九

國朝二十三 肥鄉 雞澤 廣平 邯鄲 成安

威縣

國朝

肥鄉縣

李昆妻畢氏年二十一夫亡遺孤養性甫三齡矢不再適母

弟欲奪其節截髮以誓守節撫孤年至八十七卒已旌

縣志

黃政中妻石氏早寡家貧守節撫二子衮襄入邑庠以節終

康熙志兼
採縣志

李葵妻周氏于歸葦月夫亡無子守節七十年卒遺一女卽

適庠生梁達爲室亦早寡與孀母同志苦守至老不渝人稱

母女雙節縣令李各表其門

同上

謹案黃政中妻石氏李莢妻周氏縣志俱入明茲據康雍

府三志更正

生員唐聯元母韓氏年二十五夫亡聯元甫四歲守節撫孤

至八十三歲卒府志縣令宋以畫荻遺徽旌其門縣志

指揮唐起元繼妻宋氏年十八起元殉難撫孤印昌入庠守

節四十八年卒府志兼探縣志

平陽同知游鯉化妻姬氏鯉化居官清介卒於任貧無以歸

姬年二十二攜兩孤匍匐千里扶輿歸葬訓子鍾靈入庠家

聲不墜苦節三十餘年同上

舉人張鳳苞妻馮氏年二十夫亡撫孤子振光成立入邑庠

娶董氏生子二法祖懷祖振光卒董年十九撫二子俱入庠

亦相繼歿口祖妻劉氏生一子與馮董三世孀居縣令張表

其門曰矢志丸熊

府志

劉亮妻焦氏年二十四夫亡守節四十餘年卒

同上

王儀妻馬氏年二十五夫亡撫孤守節終身學政楊旌其門

府志兼
採縣志

魏興隆妻陳氏年三十六夫亡遺腹生男撫孤守節至老不

渝學政楊表其門曰貞節

庠生閻宏猷妻宇氏年二十七夫亡遺孤中倫甫三歲矢志

守節奉事翁姑課子入邑庠年八十四卒縣令馬表其門

俱
同上

上

王惠妻張氏年二十四夫亡家貧撫孤守節終身學政楊旌

其門

閻棟妻武氏年二十四夫亡家貧翁姑垂老奉事不衰撫遺

孤成立守節終身學政楊旌其門

府志

王得郡妻張氏年二十四夫亡撫子成立娶媳生二孫子早
世張復與媳苦守鞠孫至七十三歲卒學政表其門長孫元

福貢生官邢臺訓導次元德入郡庠

府志兼
採縣志

高登仙妻常氏夫亡孀居三十餘年施地三十二畝爲社學
以資文教縣令張表其門曰

熙朝節義

李秀儒妻張氏年十八夫亡翁姑俱老姑復雙瞽遺孤甫一
歲張仰事俯畜始終罔懈年七十八卒縣令王表其門曰閨
中烈士次孫昌慶庠生

監生李駟妻馬氏夫亡無子以夫姪大綸爲嗣撫如己出守
節三十餘年卒

程璧妻曹氏年二十五夫亡撫孤守節啜蔬茹素紡績自給

因有外侮偕孤移居母家後子成立始還以壽終

俱同上

趙五典妻于氏年二十一夫亡撫二孤成立守節三十餘年

縣令王表其門曰巾幗完人

府志

薛鳳翀妻王氏年二十六夫亡典衣供饌以課子辟糲易食以奉姑長子圖南入邑庠守節四十六年縣令王表其門曰

茹藥丸熊

同上

張之顯妻趙氏年十九夫亡翁姑年老以婦代子極盡孝養幼子在抱以母兼父訓迪有方苦節終身

縣志

焦茂春繼妻黃氏年二十八夫亡妾蘇氏年二十四生子裕

後同心守節撫孤成立黃年六十有五蘇年七十卒裕後食

餼於庠

府志

石國正妻張氏年二十二夫亡孀姑垂白兩目失明張勤女紅以供菽水子孫課以詩書守節五十二年縣令王表其門

曰撫孤令節

縣志

監生程峻德妻郭氏年十八夫亡遺孤陸僅二歲郭苦志撫育康熙丁丑拔貢生陸生三孫禹書妻李氏禹玉妻石氏禹珠妻喬氏俱少寡矢志共守人稱一門四節

府志

劉景和妻劉氏年二十夫亡遺孤淵長甫九月劉上事孀姑下撫弱息經營家業守節四十五年卒

監生李蕙妻陳氏年二十八夫亡守節撫子圻成立子與媳盧氏相繼亡又撫孫入邑庠守節三十餘年學使陳表其門曰勁節貽謀

生員李謨妻焦氏年十九夫亡事舅姑孝撫孤成立舅姑歿

竭力殯葬守節三十餘年

生員王傑妻韓氏年十八夫亡守節子亦亡復撫孫教之成

立厯三十餘年卒

俱同上

李之經妻王氏年二十五夫亡子幼以死自誓姑勉之曰一

死明志汝之分也如我老子幼何王改容受教苦志終身

縣志

謝萬安妻孫氏年二十二

縣志作二十三

夫亡撫遺孤成立娶媳杜

氏子早亡姑媳同守終身不渝

府志

庠生李鵬妻宇氏年二十八夫亡上事翁姑下撫幼子三十

餘年

田士

縣志作氏

秀妻王氏夫亡守節三十餘年雍正十三年旌

劉增貴妻翟氏年十七夫亡截髮刺面撫孤成立厯四十餘

年詳請旌表

俱同上

張占鼇妻馬氏年十八夫亡無子撫姪持公爲嗣壽百有八

歲守節九十年

縣志

蔡鈺妻吳氏年十九夫亡撫子逢年成立孫定基曾孫夢齡皆入庠元孫三人猶及見之壽九十一歲卒守節七十二年張似愚妻王氏年二十夫亡無子繼姪齡爲嗣孝養孀姑始終無閒守節四十六年齡後入庠

佻生王定一妻韓氏年二十夫亡無子奉翁姑二十餘年喪葬盡禮撫姪倍元爲嗣八十四歲卒守節五十三年

馬景風妻張氏夫亡守志撫二子清杰成立九十二歲卒守節六十二年

趙擇成妻鄔氏因被薛斯來逼污不從捐軀明志乾隆五十

九年旌

魏國彥妻劉氏姑病劇劉割股奉姑病愈孝養終身不衰
監生趙純妻李氏年二十二夫亡撫姪萬春爲嗣入武庠年
六十九卒守節三十七年太守沈旌其門曰竹節冰心
張三妻李氏珩女名環姐年十五于歸因家貧隨夫外出年
餘始返而珩病篤氏割臂肉進之卒不效越九日卒竭力殯
葬鄉黨稱之

賈德成妻鄭氏年二十二夫亡孝翁姑宜家室撫子學會入
武庠迄今書香不絕七十二歲卒守節五十二年

儒童靳德祿妻李氏年二十五夫亡子學易甫五歲教養成
立七十五歲卒守節五十年孫維邦入邑庠

趙思詠妻朱氏年二十四夫亡妾張氏年二十一相與守志
以雙節稱朱年七十有五張年四十有二卒

高思精妻高氏年三十四夫亡無子撫姪程路爲嗣家甚貧
備嘗艱苦性情婉順和睦鄉鄰年八十卒守節四十六年

生員吳永清妻宋氏年二十三夫亡上事孀姑下撫孤子家
業漸興年七十三卒守節五十年

翟玉妻劉氏年二十五夫亡所遺二子秋成秋林俱幼孀姑
失明家赤貧孝事倍篤姑壽八十餘歲劉五十九歲卒守節
三十四年

趙如璧妻晁氏年二十三夫亡生子甫十月隨母同居苦心
勞力五十三歲卒守節三十年

侯連陰妻曹氏少失怙恃童養夫家其姑撫育成立婚後夫
早亡家貧守節奉姑乞食姑年老失明衆憫其窮欲斂粟以
贈卻不受姑年七旬亡鄰里各有所贈曹曰是助賻也拜而

受之棺槨衣衾罄贈不留一錢嘉慶十八年歲大饑守貧而卒鄉人葬之

張清香妻李氏年十八夫亡孝事翁姑撫兄子大成爲嗣殷勤教育得入邑庠六十八歲卒守節五十年

張希孟妻陳氏希孟出就外傳姑病昏憤陳割臂肉以進越日病愈

武生薛文明妻陳氏年二十夫亡子奇文甫五歲撫育成立入邑庠七十三歲卒守節五十三年孫瀛亦游庠食餼

程引母鄭氏夫亡引甫一歲矢志安貧苦節三十餘年

鄭蘭妻梁氏年二十一夫亡無子撫姪連璧爲嗣食餼於庠早卒又撫孫祥林成立事翁姑宜家室人無閒言五十三歲卒守節三十年

張廷譽妻靳氏年二十六夫亡遺腹生子問義早夭弟婦王氏亦早寡相與勤儉持家上事舅姑其撫孤姪問仁成立七十六歲卒守節五十年

程庾妻張氏年十七于歸生二子二十八夫亡次子夭長子統順娶妻薛氏復相繼亡張鶉衣藿食艱苦備嘗六十八歲卒守節四十年卒姪學文以次子菊爲統義嗣

程統信妻閻氏夫亡子體仁方九歲連年饑饉貧無立錫紡績教子成立道光九年旌

李大受妻栗氏年二十三夫亡生遺腹子牧民連歲饑饉家赤貧卒撫成立五十三歲卒守節三十年

監生王治國妻劉氏年二十七夫亡事翁姑以孝聞撫嗣子如已出勤儉持家輕財好義九十七歲卒守節七十年孫振

遠登武科

呂存仁妻宮氏年二十三夫亡所生子亦於是夕卒宮慟哭謂家人曰吾爲子立嗣以終其父之喪死瞑目矣撫嗣孫教養成立後五世同堂壽百有五歲守節八十三年

庠生苗燦然妻陳氏年二十四夫亡子幼陳勤儉持家風節凜然教子入邑庠六十七歲卒守節四十三年

郭有倉妻常氏夫亡守節家貧甚孝養孀姑不遺餘力咸豐八年歲大饑日得賑米勺許不忍食歸以奉養遂餓而死

李登瀛妻柳氏咸豐十一年賊匪竄擾與妾王氏同時投井死俱已旌

李元奎女省姐同治元年聞賊警偕母及幼弟逃至石柱寺賊騎追至逼其上馬省姐怒詈不從賊刼母弟以脅之省姐

好言誘賊曰釋我母弟行當從汝賊從之俟母弟去遠遂罵賊投井死學政汪以急智流芳表其門

薛湘妻閻氏于歸後孝翁姑宜家室賢聲播閭里同治二年十二月兵亂家人逃散閻攜子扶姑崎嶇戎馬中卒免於難溫紹先妻李氏相奎女省姐姊也同治七年從其夫避難西韓寨越日寨陷揮淚謂夫曰與其爲賊所污未若早自爲計君其速行同死無益也置其子井上投井死

李鷹妻王氏同治七年聞捻警攜女扶姑避往天台山寨至石柱寺遇同村張姓車王求附載其姑已抱女從之過鄭家堡遇賊車夫逃王與女同時遇害而姑幸得免

俱同上

王效曾妻申氏年十九于歸越十載夫亡矢志守節奉翁姑二十餘年不懈撫姪澤均成立存年七十有九

袁政和妻張氏年十九夫亡袁立鶴妻王氏年十九子歸未

週歲夫亡均無子女矢志同守張王存年各五十有六

監主殷齊賢繼妻張氏守節三十六年賀守庫妻蔡氏年二十監生

李大倫妻薛氏守節五十一王名福妻武氏守節三十二

年儒童郝光華妻郭氏守節五十一李學富妻李氏守節五十

二李李氏被李萬春逼姦不從羞憤王福元妻唐氏守節六十九

李居賢繼妻郝氏年二十崔萬倉母張氏守節六十一苗秀母陶

氏年二十程膏雨母張氏守節四十餘魏仰妻閻氏年二十二張

廷獻妻王氏年二十李牧民妻程氏守節三十餘張賢妻石氏王

修德妻郭氏年二十王利妻韓氏年二十張大進妻李氏年三

十一守節儒童毛成章妻劉氏守節二十八張奐妻夏氏守節四十

年文童閻丹桂妻張氏年二十八董紳妻趙氏年二十

監生董寶三妻李氏守節五十四年王峨妾董氏年十九守節和飛龍妻

薛氏年二十四守節李廷元妻李氏年二十九守節李吉榮妻毛氏年二十七守節

晁八子妻宋氏郎燦妻白氏栗子妻魏氏劉隨朝妻張氏牛

燦霄妻牛氏許必達妻張氏劉金聲妻許氏妾王氏隨夫殉難邢

容妻王氏邢曰蘭妻韓氏趙清泉妻閻氏黃自安妻陶氏尹

選妻李氏張壽生妻高氏趙清和妻靳氏劉慶雲妻李氏以上

十六人均於張錫珠之亂遇害俱已旌武童劉三才妻柳氏年二十九守節高明山妻

袁氏守節四十年田卯妻王氏郭稟妻溫氏夫婦同時遇害田名妻王氏

以上三人俱於同治七年二月二十九日遇捻匪之害李芳才妻韓氏劉正意妻葛氏

劉鳴謙妻郝氏李正己妻戴氏張均妻王氏王通經妻楊氏

閻福珍妻郭氏王宜之妻鄭氏楊東庠妻高氏張存財妻李

氏張慶雲妻李氏以上均於光緒二年旌張鵬舉妻栗氏光緒二年旌李沂

妻高氏

年十七守節存年五十

李五雲妻師氏

年二十七守節存年五十有五以上均於光

緒七年旌

檔冊

雞澤縣

庠生杜爛然妻申氏宦族女知書史于歸數載夫忽棄家訪道去遺二子宸丹宸翼甫數歲家貧自課之長就外傳紡績以供每默禱於星月下願夫無恙早歸越十年泣謂二子曰海角天涯何處是耶惟望爾等成名遙識姓氏萬一歸來否則無相見日矣後宸丹領順治甲午鄉薦而夫竟不知所終守節至八十二歲卒

府志

陳彤瑞妻柴氏年十七夫亡遺孤甫四十日翁姑俱逝貧窶無所依父兄勸之改適柴剪髮以誓閨範謹嚴教子奏可成立任山東高密典史守節至六十三歲卒巡撫徐表其門曰